


I Banga
Ioku - 1



Incwadi Enkulu yezindatshana

ISIZULU



basic education

Department:
Basic Education
REPUBLIC OF SOUTH AFRICA

Incwadi yoku -

1

Isetshenziswa kanjani Incwadi Enkulu:




Izindaba ezikule ncwadi:




Ngiyakwazi ukufunda




Masibeke ukuphepha phambili



Ukujabulisa ekilasini



Zavulwa izikole



Abangani kanye nomndeni kabongi

Njengothisha, kuzodingeka uzungiselele ukwenza isifundo sokufunda ngokuhlanganya nekilasi lakho. Ngokujwayelekile, uma kufundwa ngokuhlanganya wena thisha usebenzisana nekilasi lonke; kanti uma lilikhulu kakhulu kudingeka ulehlukanise amaqembu amancane, noma-ke usebenze nengxene ye yalo. Kumele uqiniseke ukuthi abafundi bahlala benze isiyangi bayibone kahle Incwadi Enkulu ukuze bakwazi ukufunda kalula okubhalwe kuyo.

Encwadini Enkulu umfundu ufunda ukubamba incwadi, ukuyimisa kahle, kanye nokuphenya amakhasi ngenkathi kufundwa ngokuhlanganya. Nendlela okufundwa ngayo umfundu uyaqequesheka ngayo, kuthuthuke ikhono lokulalela, lokukhuluma, lokufunda imibhalo, lokucabanga nelokubhala, njengoba kubalula iCAPS:

- Ukuthuthukisa ikhono lokulalela nokukhuluma.
- Ukuthuthukisa ikhono lokufunda kwabasaqala.
- Ukuphendula imibuzo emayelana nendaba.
- Ukuzibandakanya ezingxoxweni nalapho kukhulunyu ngokudedelana.
- Ukudweba, ukulingisa indaba.
- Ukusebenzisa izithombe ukuqagela ukuthi indaba imayelana nani.
- Ukufunda ngokuhlanganya ukuze kuthuthukiswe ukubhala ngokuhlanganya.



Ukulungiselela ukufunda Incwadi Enkulu

- Qiniseka ukuthi bonke abafundi bayayibona incwadi. Uma iklasi lakho lilikhulu, yakha iqembu elincane usebenze nalo.
- Kuzodingeka wenze uhlaka ozomisa ngalo incwadi ukuze uvike ukhla uyibamble ngenkathi kufundwa. (Bheka imiyalelo yokwenza uhlaka lokumisa incwadi ekhaveni ngemuva.)
- Sebenzisa irula ukukhomba nokulandela amagama ngenkathi ufunda.
- Uma ufuna ukugqamisa amagama athile, sebenzisa amabhamuza enkulomo ukokelezele igama ngawo, noma usebenzise esikubiza 'ngephepha elinefasitela'. Ungakwenza lokhu ngokusika iphepha libe ngunxande, bese usika unxande phakathi nalo wakhe ngawo ifasitela, bese leli phepha ulibeka phezu kwamagama ukuze kugqame igama eliodwa ngesikhathi.

Ukufunda ngokuhlanganya kokugala

Ingxene yokuqala kulesi sifundo ibheka kakhulu ukuthi abafundi bayakujabulela yini ukufunda 'nokubona' umbhalo okokuqala, lapho abafundi kudingeka khona bakhombise ukuzibandakanya ngamunye ngamunye.

- Phenya amakhasi endaba ezofundwa udlulise amehlo. Xoxa ngezithombe zayo.
- Cela abafundi baqagele ukuthi indaba imayelana nani ngokulandela izihlokwana kanye nezithombe.
- Yethula amagama alukhuni namasha ngaphambi kokuthi abafundi bayifunde indaba.
- Yenza amakhadi amagama uwasebenzise ukwethula ulwazimagama.
- Yifunde indaba usebenzisa izimo ezahlukahlukene zobuso uphinde uguquguqule izwi, ubuye ufunde ngokushesha. Sebenzisa izitho zomzimba kanye nezimo zobuso ngokuziguqula njalonjalo.
- Sebenzisa induku noma irula ukukhomba amagama ngenkathi uwafunda ukuze abafundi babone ukuthi ufunda kuphi, bakwazi ukunamathisela umsindo wezinhlamvu ngokufanele ekhasini. Lokhu kuzobasiza ukuthola ukuthi kufundwa kusukwe kwesokunxele kuyiwe kwesokudla, kanti kuqalwa phezulu kuyophunywa phansi.
- Sebenzisa lokhu ukwethula 'ulimi lwencwadi': amagama, imisho, ikhasi, umbhali, isihloko, njll.
- Dedela abafundi bazibandakanye nendaba ngokuthola ithuba lokungenenelela (njengokuthi badebelwe bamemeze uma mhlawumbe kuthiwa "Gijima, gijima, gijima kakhulu, ngeke uze ungibambe kodwa mina – ngiyindoda eyisinkwa sezimanga!") uma kuhona lokhu embhalweni ofundwayo.
- Kumele kufundwe indaba efanayo izikhathi ezimbili noma ezintathu ukunikeza abafundi ithuba lokuqonda amagama angaba yidlantzana, ukulingisa izinto ezenzeka endaben noma ukuphinda baxoxe izingxene zendaba bazethule ngawabo amazwi.

Ukufunda ngokuhlanganya kwesibili

- Lapho sekufundwa okwesibili kudingeka kusetshenziswe umbhalo ofanayo, bese kubhekwa kakhulu ukuzibandakanya kwabafundi ngokuthi uthisha axoxisane nabo ngenhoso yokuthuthukisa ulwazimagama, ukuqonda izakhiwo zamagama (ulimi, ukusetshenziswa kwezimpawu, njll).
- Kukuwe thisha ukuthi ubheke kakhulu izinto ezifana: nokuma kwemibhalo, ukwakheka kwemibhalo, imisindo, ulimi, ukubona amagama athile kanye namazinga ahlukahlukene okuqonda imibhalo (ukuhleleka, ukuthi amagama aqonden, ukuwacwaninga kanye nokubuza imibuzo ekhombisa ukulangazelela).

Ukufunda ngokuhlanganya kwesithathu

- Uma sekufundwa okwesithathu, abafundi kumele bazifundele bona uqobo, baxoxe baphinde babhale imisebenzi yokwenziwa ngombhalo abawufundile.
- Uma kuvuma, ukufunda ngokuhlanganya kumele kubambe iqhaza ekwenzeni ngcono ukubhala ngokuhlanganya, lapho uthisha ekhombisa khona ukuthi kubhalwa kanjani, abafundi babhale ngokwabo nabo ngenkathi uthisha elokhu ebahlola enza namanothi. Lokhu kukhulisa abafundi uma kufika isikhathi sokuzenzela ngokwabo imisebenzi ebhalwayo.

1

Ngiyakwazi ukufunda



Inja yami.

Ikati lami.





Itiye lami.

Irula lami.



Umama wami.



Ubaba wami.



Ugogo wami.



Ikepisi lami.



Isibuko sami.

Ipeni lami.



Icici lami.



Ivuvuzela yami.

Maye!
Ngiwiswa
ugodo.



2

Masibeke ukuphepha phambili



Ungadlali ngogesi.
Ungadlali ngemithi.






Suka ezintweni ezishisayo.
Ungazithinti.
Ungadlali ngomentshiso nezinto
zokokhela umlilo.
Ungadlali ngomlilo.

Yiziphi izinto ezishisayo?

Yiziphi izinto ezishisayo ngesinye
isikhathi?

Yiziphi izinto ezingashisi?



3

Ukuzijabulisa ekilasini

UJabu uyathanda
ukudweba.



U-Ann uyathanda
ukupenda.

UBongi uyathanda
ukufunda.



UDan uthanda
amabhulokhi.



USam uthanda
ukubhala.



UMary uthanda
ukusika izinto.

UKen uthanda ukudlala ngenhlama.
UNomsa uthanda amaphazili.



UBilly-ke yena uthanda yonke into.



4

Zavulwa izikole

uJabu

u-Ann

uBongi



uDan

uKen

NginguBongi.

Lona ngu-Ann, noDan, noKen
noJabu.

Lona nguPhithiza injá yasesikoleni.
UPhithiza uyinja ehlekisayo.

Kumnandi ukudlala elangeni.
Siyathanda ukugijima nokugxumagxuma.





Sithanda ukudlala nokugijima elangeni.
Siyalithanda ilanga uma lishisa kakhulu.
UBebe uthanda ukugijima elangeni.



Hhaw, hhaw,
hhaw.

Siyacula.
UPhithiza ucashe ngaphansi komata.
UPhithiza ujabulile.




Hhayi bo!, Phithiza,
yekela ukugijima
emgwaqweni!

Siya ekhaya uma kuphuma isikole.
Siqalaza kwesokudla nakwesokunxele,
bese siqalaza kwesokudla futhi. Emva
kwalokho seqa umgwaqo. Siyama uma
irobhothi libomvu. Kumnandi ukuya
esikoleni.

Abangani kanye nomndeni kaBongi




NginguBongi. Ngineminyaka eyi-7.
Lona ngudadewethu, uGugu.
Lona ngumngani wami u-Ann.



Lona ngumfowethu, uMandla.
Lona ngumama, lona ngubaba.
Lena yinja yethu uBathathe.

Siyathanda ukudlala.
Siyathanda ukufunda.





Siyasiza engadini.
Sidlala endlini esesihlahleni.

Inja ithanda ukugubha.


Siwumndeni omkhulu ojabulile.

Lona ngumkhulu.

Lona ngugogo.

Lona ngumalume.

Lona ngumamncane.



uDan, uKen, u-Ann kanye noJabu
ngabangani bami.



Sidlala egcekeni.
Kumnandi ukuba nabangani.
Kumnandi futhi ukuba nenja.

Siyakwamukela kulolu chungechunge IweZincwadi Ezinkulu. Incwadi Enkulu lena ingxene yezincwadi ezisohlwini olubizwa ngeRainbow Series, okukhona kuyo izincwadi zokusebenzela, isilulu sezindaba nezinkondlo, amaphosta kanye nezincwadi ezhlelwe ngamazinga ehlukahlukene. Sethemba ukuthi uzozithola zilusizo izindaba ezahlukahlukene ochungechungeni lwalezi Zincwadi Ezinkulu eziyishiyagalombili ezibekelwe leli banga. Kulindeleke ukuthi abafundi bakho bakuthokozele ukufunda ngokuhlanganya. I-CAPS, Emabangeni Aphansi iphawula ukuthi kubalulekile ukufunda ngokuhlanganya ekufundiseni ukufundwa kwemibhalo. Ukufunda ngokuhlanganya kuvame ukuthatha izinsuku ezimbili kuya kwezine esontweni ngalinye lapho umfundi ngamunye efunda khona umbhalo ofanayo. Izincwadi zokusebenzela, kanye nezincwadi ezhlelwe ngokwamazinga, kulungiselwe ukufezekisa yona le ngxene yokuufunda.

Nokho-ke, ukusebenzisa Incwadi Enkulu enamagama amakhulu lapho kufundwa ngokuhlanganya, kuyindlela enhle kakhulu ngoba abafundi bakwazi ukubona amagama nezithombe, bakulandele ngenkathi ufunda. Lokhu kwenzeke ngendlela efanayo nangenkathi izindaba zisaxoxwa. Kubalulekile ukuthi abafundi bahlale benze indilinga enguhhafu bakokelezele Incwadi Enkulu, ukuze bawubone futhi bawufunde kahle umbhalo wayo. Amagama amakhulu akule ncwadi asiza ukuthi kufundeke kalula ngokuphumisela ukuze kuzwe abafundi abaningi ngesikhathi esisodwa esimeni esikhululekile nesejwayelekile.


Izincwadi ezinkulu kulolu chungechunge zethula kubafundi izindaba ezahlukahlukene, izinkondlo, imilolozelo kanye nemidalo okuhambisana nolwazi kanye nemibhalo enezithombe.

Umsebenzi wakho njengothisha ukwenza izindaba ziphile ngenkathi ufundela abafundi, zijabulise, zibe nogqozi. Ukusebenzisa Izincwadi Ezinkulu kwenza ukufunda kuthokozelwe nguwe kanye nabafundi ngokufanayo. Sethemba ukuthi le ncwadi izokusiza kulothu.

Eminye imibono ngokufunda Incwadi Enkulu

- Sebenzisa ipulastiki ukwemboza Incwadi Enkulu. Kuyamsiza umfundi kanye nothisha lokhu ukuba abhale kukho.
- Bhala ngepeni elisuleka ngamanzi kulesi sembozo sepulastiki.
- Sebenzisa iphegi ukunamathisela ipulastiki encwadini enkulu.

ISBN 978-1-4315-2965-0



ISBN 978-1-4315-2965-0

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay

Zenzele olwakho uhlaka lokumisa Incwadi Enkulu

Nakhu ozokudinga:

- Ikhadibhodi elinobubanzi obulingana nobeNcwadi Enkulu (594 mm) kanye nobude obuphindwe kathathu (1360 mm).
- Itheyiphu yokunamathisela
- Amaphegi amabili okunamathisela ikhadibhodi.

Sebenzisa itheyiphu yokunamathisela ukuhlanganisa izingcezu zekhadibhodi.

Goqa ikhadibhodi ulenze uhlaka bese ubamba iphansi lalo nengaphambili ukuhlanganise njengoba kukhonjiswe emdwebeni.

